



BYE BYE, PATTY CAPAUL

Finì cun las «Schibettas dal mais» e finì cun Patrick Capaul tar PUNTS. Quella nova ha cuntenschì dacurt la redacziun da PUNTS ed è stada ina gronda surpraisa. L'emprima contribuziun da la seria da cult è cumparida il december 2002 e dapi lura ha Patrick preschentà regularmain novas, truvaglias ed insiders or dal mund musical als lecturs da PUNTS. En sias recensius e ses commentaris è Patrick mai sesì sin la bucca ed uschia èn las ultimas contribuziuns cumparidas sut il pseudonim „P.“